

Pinerlunnaveersaartitsinermut politikki

Air Greenland 2010-mili FN-imi Global Compact-imut ilaasortaavoq, taamaattumillu suliffeqarfimmi akisussaassusilimmik pissusilersornissamut tunngavissanik qulinik malinninnissamut pisussaaffeqarluni – tassungalu pinerlunnaveersaartitsineq ilaatinneqarpoq. Politikki tassani suliffeqarfiup inuiaqatigiinnut akisussaaffeqarnermi suliai tapersorsorneqarput, aammalu inatsisit atuuttut malinnissaat tunngavigineqarluni, tassungalu ukiumoortumik naatsorsuusiortarnermut inatsimmi § 99 a aamma Corporate Sustainability Reporting Directive-mi (CSRD) piumasaqaatit ilaatinneqarput. Tassani aamma piginnittut (Naalakkersuisut) aqutsinissamut allagaatit naapertorlugit ammasumik ersarissumillu pissuseqarnissamut naatsorsuutigisaat ersipput.

Politikkip tunissuteqartarnermut politikkiusimasoq (05-33) taarserpaa, aammalu Air Greenlandip tunniusimaneq, akisussaassuseqarneq niunermilu ileqqorissaarneq siuarsaaffiginiarlugit suliniutaani qitiusumik inissisimalluni.

Siunertaq Atuuffillu

Politikkimi matumani Air Greenlandip niuernerni tamani tatiginarluarluni ersarissumillu sulinissaata qulakkeerneqarnissaa siunertaavoq. Politikki sulisunut, pisortanut, siulersuisunut ilaasortanut, suleqatinut pilersuisunullu, Air Greenland sinnerlugu iliuuseqartartunut atuuppoq.

Pinerluttarneq pillugu

Pinerluttarneq nammineerluni iluanaarniarluni tatigineqarluni oqartussaaffiligaanermik atornerluineruvoq, assigiinngitsorpasuaarnillu iluseqarsinnaalluni, taakkunungalu akiliilluni pinerlutsitsisarnerit, soqutigisatigut akerleriinnerit tunissutillu ilaatinneqarput.

Pinerlunneq pilertarpoq, inuit ataasiakkaat eqimattalluunniit, iluaqutissanik, aalajangiinernik isumalluutinilluunniit allat pissarsiarisinnaanngisaannik pissarsisinnaaleraangata, tassalu inuit namminneerlutik attaveqatigiinnerisigut akiliinikkulluunniit. Taamaalilluni pinerlunneq inatsisitigut aaqqissuussaanermulluunniit ajornartorsiortitsiinnartussaannqilaq, aammali inuiaqatigiit ileqqorissaarnerlu eqqarsaatigalugit naapertuuttumik, ersarissumik assigiimmillu atuisinnaanerit eqqorneqartarput.

Air Greenlandimi pinerlunnerit suulluunniit akuerinngilagut, aammalu piorsarsimassuseq, suliffeqarfiup iluani aammalu avataaneersunik suleqateqarnitsinni akuutitsinermik akisussaassuseqarnermillu atuiffiusoq siuarsarniarlugu sulivugut.

Akiliilluni pinerlutsitsisarnerit

Air Greenland akiliilluni pinerlutsitsiniartarnerni niuernermut atatillugu, soorlu aningaasanik, tunissutiniq sullissinerillu uukapaatitsiniutaasunik tiguisarneq pillugu ersarissumik akisussaassusilimmillu periuseqartarpoq. Pinerlunnaveersaartitsinermut politikkitinnut ilagitillugu tunissutiniq, qaaqquissutiniq kiffartuussinernilluunniit qanorluunniit ittunik tigusinermi tunniussinermilu eqqarsaqqissaartoqassaaq pimoorussisoqassallunilu. Tunngaviummik tunissutit kiffartuussinernilluunniit aalajangiinernut, ataasiakkaanut suliffeqarfimmulluunniit iluaqutaasumik sunniuteqassanngillat.

Tunissutit qaaqquissutilluunniit tamanut saqqummiunneqarsinnaassapput. Ammasumik unneqqarissumillu nassuiarneqarsinnaanngippata, akuersisoqartariaqanngilaq neqeroorteqartoqartariaqaraniluunniit.

Tunissutiniq tiguisarnerit kiffartuussinernillu akuersisarnerit

Atuisuniit, pilersuisuniit, suleqatiniit allaniilluunniit tunissutit, Air Greenlandimi inissisimaffeqarneq tunngavigalugu tiguneqartut suliffeqarfiup pigisaatut isigineqassapput. Taakkununga pigisat ilisarnaatinut tunnganerusut, soorlu kuglepenit, matuersaaserfiit assigisaallu ilaatinneqanngillat. Tunissutit naleqavissut HR-ip immikkoortortaqarfianut tunniunneqassapput, tassanngaanniillu toqqissisimanermik siuarsaanissamut siunertaqarfiusunut, sulisut aaqquissuussinernut ajunngitsuliornertulluunniit agguanneqassapput.

Aaqquissuussinernut peqataasarneq

Sulisut nereqatigiinnernut, misigisassaqaartitsinernut aliikkusersuinernulluunniit peqataasinnaapput, tamanna inuussutissarsiorfimmi periaatsitut nalinginnaasutut isigineqarsinnaappat. Aaqquissuussinernut immikkoorutilinnut akisuunulluunniit qaaqquissutit, soorlu angalanernut, tusarnaartitsinernut nereqatigiinnernut qaffasissunut, pisortamit qaninnermit akuersissuteqartoqarneranik pisariaqaartitsiffiupput. Ataatsimeersuarnernut sulinermullu atatillugu misigisassaqaartitsinernut peqataanerit Air Greenlandip niuerfiinut atassuteqassapput, aammalu suliatigut ineriartornermut iluaqutaassallutik.

Air Greenlandimiit tunissutit qaaqquissutillu

Air Greenland nammineerluni tunissutinik, kiffartuussinernik qaaqquissutinilluunniit avataani suleqatinut tunniussisinnaavoq, tamannali tamatigut inuussutissarsiorfimmi nalinginnaasutut naammaginartutullu iliuuseqarnissamut sinaakkutissat iluanni pisassaaq. Tassani aamma suliffeqarfiup iluani aaqqissuussinerit, tunngaviusumik imigassamut aningaasartuuteqarnissamut akuersissuteqarfiunngitsut pineqarput. Suliassat taamaattut tamatigut Greenlands Administrative Management Team-imi (AMT) ilaasortamit siumoortumik akuerineqartussaapput, aammalu peqataasussat allattorsimaffiat uppersaasatit atorneqartussaavoq.

Nalornineq siunnersuisarnerlu

Sulisoq tunissutit qaaqquissutilluunniit pillugit nalorniguni, siunnersorneqarniarluni aqutsisut imaluunniit HR saaffigisariaqarpai.

Soqutigisatigut aaqqiagiinnginnerit qanigisanillu pingaartitsineq

Air Greenlandip sulisut tamarmik unneqqarillutik aammalu suliffeqarfiup soqutigisaanut pitsaannerusumik iliuuseqartarnissaat naatsorsuutigaa. Taamaattumik sulisutut pisut, inuttut, ilaqutariittut aningaasaqarnikkulluunniit soqutigisat sunniuteqarfigisinnaasaat, imaluunniit Air Greenland sinnerlugu kinaassusersiunngitsumik aalajangiisinnaassutsimut sunniuteqarsinnaasut eqqumaffigineqassapput.

Soqutigisatigut aaqqiagiinngittoqalissappat, sulisup erngerluni aqutsisuni qaninneq imaluunniit HR ilisimatissavaa, taamaalilluni pisoq akisussaassusilimmik naliliiffigineqarsinnaaniassammat isumagineqarsinnaassalunilu. Ammasumik piffissaagallartumillu iliuuseqarnitsigut suliffeqarfiup tunniusimanera sulisullu ataasiakkaat tatiginassusii illersussavagut.

Pilersuisut suleqatillu allat

Air Greenlandimiit naatsorsuutigaarput, pilersuisut tamarmik ileqqorissaartumik niuerpalaartumillu pissusilersornissat, Supplier Code of Conduct-imi atuuttumi allassimasut malissagai. Uppersaasat suleqatigiinnermut tunngaviliisussaavoq, aammalu akisussaassuseqarneq, ersarissuseqarneq pinerlunnissamullu akiuiniarneq pillugu piasaqaatinik ersarissunik imaqarluni. Pilersisuniit tunngavissat taakku sulinnermut ilanngutissavaat, aammalu namminneerlutik sulisumik pilersuisuutitamillu Air Greenlandip naleqartitai naapertorlugit iliuuseqartarnissaat qulakkiissallugu

Eqqumaffiginninnissamut sungiusarnek

Air Greenlandimi sulisut tamarmik Air Greenlandimi pinerlunnaveersaartitsinermut politikki pillugu ilisimasaqarnissaat qulakkeerniarlugu, atortut digitaliusut atorlugit pikkorissartitsisoqassaaq aammalu "atuarpara paasillugulu" toorlugu uppersaatinneqassallutik. Sungiusarnek pinngitsoorani pisussaavoq, aammalu sulilernerimi – politikkimullu iluarsiissutit akuerineqarnerini sulisunut tamanut – ilaatinneqartussaalluni. Akuersineq GDPR naapertorlugu nalunaarsorneqassaaq, suliffeqarfiullu iluani compliance-mut atorneqassalluni. Najoqqutassat ingerlaavartumik iluarsineqartassapput, annertuunillu allannguisoqarnerani misissorneqarnissaat piumasarineqartassaaq. Unioqqutitsinerit ataasiakkaarlugit, aammalu unioqqutitsinerup annertunera malillugu naliliiffigineqartassapput.

Kukkunersiuneq allanngutsaaliuinerlu

Air Greenlandip pinerlunnaveersaartitsinermut politikkia inatsisini, suleriaatsini suliffeqarfiullu iluani pisariaqartitsineq malillugu allanngortoqartarnerata ilutigisaanik ingerlaavartumik iluarsineqartassaaq. Politikki aqutsinermut sakkutut atorneqarpoq, aammalu suliffeqarfimmi naleqartitat ulorianartorsiorfiusinnaasullu malillugit iluarsineqartarpoq.

Atuuttuutinneqarnera

Sulisunut politikki manna AMT-mi 13. Aggusti 2025-mi suliarineqarpoq akuerineqarlunilu, aammalu 10. septembari 2025-mi SU-mut saqqummiunneqarpoq, aammalu politikki 17. septembari 2025-p tungaanut tusarniaassutigineqareerluni (ikittunik allannguuteqartinneqarluni) akuerineqarluni. Taamaalilluni politikki nutaaq 17. septembari 2025-imi atuutilerpoq.